

Script of Morning Gojri News Bulletin 21 October 2024 at 1015Hrs

مارننگ گو جری نیوز بلیٹن مورخہ 21 اکتوبر 2024

یوہ آکا شوانی جموں ہے عبید الرحمن تیں خبر سنو۔

PM World Summit

وزیر اعظم نریندر مودی اج نوی دہلی مانہ این ڈی ٹی وی عالمی اجلاس 2024 "دا انڈیا سینچوری" نال خطاب کر رہیا ہیں۔ اک سوشل میڈیا پیغام مانہ جناب مودی نے کہیو کہ بھارت غے اندر ہو رہی ترقی نے ساری دُنیا نانہ اپنی طرف متوجہ کیو ہے اور مہا ری قوم نانہ ناری شکتی، نوی بلندیاں تک لے جا رہی ہیں۔ جناب مودی نے کہیو کہ وے مُلک غی حصولِ یابیان غو ذکر کریں گا اور بھارت نانہ سال 2047 تک ترقی یافتہ ممالک غی فہرست مانہ شامل کرنو اور سال 31/2030 تک مُلک نانہ دُنیا غی تیجی سب تیں بڑی معیشت بنانو اُن غا خطاب غو اہم موضوع رہ گویا۔ اس اجلاس مانہ بوٹان غا وزیر اعظم سیرنگ توبگے، باربا ڈوس غا وزیر اعظم میا موٹلے اور برطانیہ غا سابقہ وزیر اعظم ڈیوڈ کیمران تیں علاوہ کئی اعلیٰ عہدیدار وی موجود دیں گے۔

JK MLA Sworn In

جموں کشمیر قانون ساز اسمبلی واسطے منتخب ہوا تمام ممبران غی حلف برداری تقریب اج سرینگر مانہ منعقد ہو رہی ہے۔ اس دوران عارضی طور پر منتخب قانون ساز اسمبلی غا اسپیکر مبارک گل اُن تمام منتخب ممبران نانہ حلف دواویں گے۔ یار حلف برداری تقریب تہاڑی 2 بجے شروع وے گی۔ اور منتخب ممبران مانہ 51 ممبر ایسا ہیں جہڑا پہلی بار انتخابات جیت غے اسمبلی مانہ شامل ہوا ہیں۔ 29 سالہ شگن پر بہار بی جے پی غی نوجوان ایم ایل اے ہیں اور چرار شریف تیں منتخب ہوا نیشنل کانفرنس غا ایم ایل اے عبدالرحیم راتھر اور علی محمد ساگر نیشنل کانفرنس کا دو ایسا ممبر ہیں جہڑا جے 7 ویں بار انتخابات جیت غے قانون ساز اسمبلی ممبر منتخب ہوا ہیں۔ علی محمد ساگر سال 1983 تیں ہی قانون ساز اسمبلی غا ممبر منتخب ہوتا آ رہیا ہیں جد کہ عبدالرحیم راتھر سال 1977 مانہ قانون ساز اسمبلی ممبر غے طور منتخب ہوا۔ واضح رہے جے حالیہ انتخابات مانہ نیشنل کانفرنس نے 90 اسمبلی نشستیں وچوں 42 نشستیں ورجیت درج کرائی تھیں جد کہ بی جے پی پارٹی نے 29 نشستیں ورجیت جتیا۔ اس تیں علاوہ کچھ بکھ انتخابی حلقاں تیں 7 آزاد امیدوار، کانگریس پارٹی کا 6 امیدوار، پی ڈی پی کا 3 امیدوار، جے کے پی سی، عوامی اتحاد پارٹی تے عام آدمی پارٹی کا 1/1 امیدوار نے حالیہ انتخابات مانہ جیت حاصل کی۔ نیشنل کانفرنس غا نائب صدر عمر عبداللہ نے 16 اکتوبر نانہ وزیر اعلیٰ غا عہدہ غو حلف لیا اور دیگر 5 ممبران نے کابینہ وزراء غا عہدہ ورجیت چایو۔ کانگریس پارٹی سرکار مانہ شامل نہیں ہوئی لیکن اُن نے انڈیا اتحاد حریف غے طور نیشنل کانفرنس پارٹی غی حمایت کی ہے۔

Ganderbal Massacre

کشمیر غا گاندربال ضلع مانہ مشہور سیاہی حتیٰ مقام سونا مرگ غے نیڑے گگن گیر علاقہ مانہ گذشتہ شام دہشت گردان نے ریڈ موٹر ٹل غی تعمیر آلی جگہ ورجو لیا ری کر غے اک ڈاکٹر تے 6 دیگر مزدوران نانہ ہلاک کر دتو ہے۔ ذریعہ غے مطابق اصلح نال لیس 2

دہشت گرد اک نجی تعمیری کمپنی غا میس مانہ جا بڑیا تے اُت موجود افراد ور گولی با ری شروع کر دتی۔ دہشت گرداں نے حادثہ غا مقام ور 2 گڈیاں نانہ وی اگ لائی اور موقعہ تیں فرار ہو گیا۔ اس گولباری مانہ بڈگام ضلع غا ننید گام علاقہ تیں تعلق رکھن آلا ڈاکٹر شہنواز وی ہلاک ہو گیا ہیں۔ اس حملہ مانہ ہلاک ہوا دیگر افراد مانہ گرداس پور غا گرمیت سنگھ، بہار تیں محمد حنیف تے کلیم تیں علاوہ حفاظتی منیجر فہیم ناصر، مدھیہ پردیش غا اٹل کمار شکلا، جموں غا ششی ابرال شامل ہیں۔ اس واقعہ مانہ زخمی ہوا افراد نانہ کنگن قصبہ غا سب ضلع ہسپتال پہنچایو گیو ہے۔ جتوں وے سکیمز ہسپتال سرینگر مانہ منتقل کر دتا گیا ہیں۔

Condemnation

مرکزی وزیر داخلہ امت شاہ نے جموں کشمیر غا گنگن گیر علاقہ مانہ مقامی لوکاں ور دہشت گرداں غی طرفوں کیا گیا حملہ نانہ اک بزدلانہ عمل قرار دتو ہے اور اس حملہ غی سکٹ مزمت کی ہے۔ سوشل میڈیا پیغام مانہ جناب شاہ نے کہیو کہ اس حملہ مانہ ملوث افراد نانہ سخت ترین سزا دتی جائے گی اور جلد ہی مہارا فوجی دستہ ان دہشت گرداں نانہ قرارو جواب دیں گا۔ وزیر موصوف نے اس حملہ مانہ ہلاک ہوا تمام افراد غا کُنباں نال تعزیت غو اظہار کیو ہے۔ اور زخمی ہوا افراد غی جلد صحت یابی غی دُعا کی ہے۔ سڑک ٹرانسپورٹ تے شاہراں متعلق مرکزی وزیر نتن گڈکری نے وی اس دہشت گردانہ حملہ غی کڑی مزمت کی ہے۔ لیفٹنٹ گورنر منوج سنہا نے اس حملہ غی سخت مزمت کرتاں واں عوام نانہ یقین دوايو ہے کہ اس حملہ مانہ ملوث افراد نانہ جلد ہی سخت سزا دتی جائے گی۔ انہاں نے کہیو کہ ہم نے جموں کشمیر پولیس، فوج تے حفاظتی دستاں نانہ اس معاملہ مانہ ملوث افراد نال نیڑن واسطے کھلی آزادی دے دتی ہے۔ وزیر اعلیٰ عمر عبداللہ نے وی اس حملہ غی سخت مزمت کی ہے اور اس حملہ نانہ اک غیر انسانی کم قرار دتو ہے۔

Uri

کشمیر غا بارہمولہ ضلع مانہ سرحد غے نیڑے اُڑی علاقہ مانہ حفاظتی دستاں نے اک دہشت گرد نانہ ہلاک کر دتو ہے۔ پولیس نے دسیو ہے کہ علاقہ غے اندر اک مشکوک حرکت تیں بعد آپریشن شروع کیو گیو جس دوران دہشت گرداں نے حفاظتی دستاں ور گولباری چلائی۔ جوابی کارروائی مانہ 1 دہشت گرد ہلاک کر دتو گیو جس غا قبضہ تیں اک اے کے رائفل، 2 اے کے میگزین، 57 اے کے رائف، 2 پستول، 3 پستول میگزین تے دیگر اصلحو برآمد ہوئے ہیں۔

Dy CM

جموں کشمیر غا نائب وزیر اعلیٰ سریندر چودھری نے گذشتہ روز نوشہراہ مانہ چندی ماتا مندر آلے پاسے جان آلی سڑک غو افتتاح کیو۔ اس دوران موصوف نے تعمیری ڈھانچہ غی اہمیت ور روشنی پائی اور کہیو کہ سرکار خطہ غی مجموعی ترقی اور خاص کر دیہی علاقوں غی ترقی ور خصوصی توجو دے رہی ہے۔
